

Arzalluz: «Espainiako Erregeari Estatutua garatu gabe dagoela esatea ahaztu zaio»

EAJko buruak Aznarrekin bildu ostean diskurtsoa aldatu zuen, Bellochen iritziz

Espainiako erregeak Erroman egindako diskurtsoa kritikatu zuen atzo Xabier Arzalluzek. Erregeari Estatutua garatu gabe dagoela esatea ahaztu zitzaion Arzalluzek azaldu zuenez. Almunia ere kritikatu zuen EAJko buruak. Jose Antonio Ardanzak, berriz, esan zuen indarkeriari aurre egitea baino zailagoa izango dela bakea eraikitzea.

Agentziak / Bilbo

XABIER ARZALLUZ EAJko presidenteak Espainiako erregeak Erroman egindako diskurtsoa kritikatu zuen. Erroman egindako hitzaldian, Juan Carlos I.-ak esan zuen autonomiek Espainia indartzen dutela. Arzalluzen ustez, erregeari ahaztu zitzaion esatea EAEko Autonomia Estatutua garatu gabeko legea dela. «Erregeak ez zuen esan hemen badugula garatzeko modurik ez dagoen autonomia bat, eta beraz, etengabeako eskaera bat legea bete dadin».

Bestetik, Arzalluzek azken egunotan PSOEekin sortutako tirabiren inguruan hitz egin zuen atzo berriz ere. Joaquín Almunia PSOEko idazkari nagusiak Aznarri esan zion nazionalismoaren asmoak geldiarazteko, eta Xabier Arzalluzek adierazi zuen inori ezin zaiola hori esan. «Inork ezin nau geldiarazi, ezta Almunia ere», esan zuen herenegun Arzalluzek, eta atzo gauza bera berretsi zuen. Geldiarazteko lege hausteren bat egin beharko lukeela azaldu zuen Arzalluzek, eta orduan ere, epaileen lana izango litzatekeela, eta ez Gobernuarena. «Horrelako adierazpenak ez dira harreman on baten seinale, inondik ere», esan zuen Arzalluzek Radio Euskadiri eskainitako elkarrizketan: «Nere onetik ateratzen nau pertsona batzuk pribatuan gauza batzuk esateak, eta gero publikoan oso bestelakoak esateak». Gauza guztiak ezin direla publikoan esan ulertzen duela esan zuen EAJko buruak, baina «hainbesteko kontraesanak» ez dituela onartzen.

Igandean, EAJren Alderdi Egunean, Xabier Arzalluzek esan zuen Euskal Herriak ez duela tokiarik Konstituzioan, eta horren ondotik etorri dira PSOEren kritikak. Juan Alberto Belloch PSOEko diputatuak atzo adierazi zuen Arzalluzen baitan jarrera aldaketa ikusi zuela deklarazio horietan. Bellochen iritziz, Arzalluzek galga jarri nahi dio urriaren 25eko hauteskundeetan izan daitekeen parte hartzeari. «Arzalluzek badaki tentsioa areagotzen jarraituz gero jendea bozkatzera joango litzatekeela. Partehartzea hauteskunde orokorren antzekoa izatea lortuz gero, ez lukete aber-tzaleek irabaziko».



Joseba Egibar eta Xabier Arzalluz EAJko buruzagiak artxiboko argazki batean.

XOUSE SIMAL

Su-etena horrelakoa izatea ez zuela espero dio Egibarrek

ETA-REN su-etena bera ere harritu zuela azaldu zuen atzo Joseba Egibar EAJko bozeramaileak. «Su-etena, ETA erretiratu den baldintzetan erretiratzeak, garrantzi handia du; inondik inora ez genuen pakturik egin horretan, are gutxiago gertatu den moduan».

HB eta EAJren arteko elkarrizketari buruz, HBekin hitzartuta duten bakarra paperaren gainean dagoela esan zuen, «hau da, Lizarrako Akordioa». Adierazpen horrek Ardanzaren proposamenarekin baduela antzekotasuna esan zuen Egibarrek. Aurreko

Mahai Nazionalak elkarrizketa prozesu bat hasteko konpromezua hartu zuela azaldu zuen Egibarrek, eta oraingo Mahai Nazionalaren konpromezua nahikoa berme dela uste du EAJko bozeramaileak. «Guk pentsatzen genuen prozesu bat abiatzen bazen indarkeria soberan zegoela, eta ETA bidetik kenduko zela».

ETAko kideekin izandako ustezko elkarrizketari buruz Egibarrek esan zuen berak ez duela ezagutzen Mikel Antza. Horri buruz kaleratutako berriak ez direla kontrastatu esan zuen EAJko bozeramaileak.

Azkenik, Arzalluzen iritziz, «oso larria» da datozen hauteskundeak erreferendum gisa planteatzea. Mayor Oreja hori egiten ari dela erantsi zuen, «hark dio boto espainolistak nazionalistari aurrera hartuko diola».

Bestalde, Jose Antonio Ardanza EAEko lehendakaria itxaropentsu agertu zen atzo bake prozesuaren inguruan, baina bidea zaila izango dela adierazi zuen: «Behin betiko bakea eraikitzea indarkeriari aurre egitea baino zailagoa, edo gogorragoa izango da». Donostian Deustuko unibertsitatean egin zituen hitzok lehendakariak. Bere iritziz, baketzearen inguruan sortutako itxaropenak ez du ekarri behar kezkaren eta konpromezuaren gutxitzea. Unibertsitateko ikasleei eskatu zien bakea eraikitzen lagun dezaten.

Moncloako elkarrizketa azaltzeko eskatu die Redondok PP eta EAJri

■ Kezkagarri deritzo EAJk HB eta ETArekiko ustezko itunak ukatu ez izanari

Erredakzioa / Bilbo

NICOLAS REDONDOK dei egin zien bai EAJri bai PPri argi dezaten zein izan den Arzalluz eta Aznarrek Moncloako jauregian izandako elkarrizketaren edukia. PSE-EEko idazkariak arduragarria iritzi zion «EAJk oraindik gezurtatu ez izanari ETA eta HBrekiko ustezko akordioak, banda terroristak iragan hilabeteotan biktima errugabeak hiltzen segitzen zuen bitartean».

Redondok Jose Maria Aznarri ere dei egin zion, eta eskatu zion argitzeko Arzalluzi azalpenak eskatu zizkionetz akordio horietaz. «Orain arte EAJ isilik egon da, eta bere isiltasunaz onartu egin ditu ezkutuko itunak; horregatik, sano susmagarria da Aznarrek irribarrez agurtzea Arzalluz Moncloako jauregiko sarreran, akordio aipaezin horien izaera eta edukia argitu barik».

Ikuspegi horren arabera, PSE-EEren hautagaiak «ezinbesteko» iritzi zion EAJk eta Gobernuak argi dezaten bat egin dutenetz desadostasun irudia plazaratzeko. «Ezen EAJk igandean Araban esan bazuen Euskal Herria ez dela sartzen Konstituzioan, zer esan zion egun bigeroago Aznarri, hau Moncloako jauregian irribarreaz uzteko?, itaundu zuen Redondok».

Hortik, Redondok ondorioztatu zuen jeltzaleek «EAJ eta EAz osaturiko gobernu monolitikoa bilatzen duela HBren laguntzaz eta Javier Madrazoren konplizitatearekin». X



Ubideko Udala

IRAGARKIA

Udalbatzak, 1998ko irailaren 18an egindako batzarrean, "U.A.U. 4"an babes ofizialeko etxebizitzak eraikitze xedez, udalerriaren indarrean dauden Arau Subsidiarioen unean-uneo aldaketa hasieraz onartu zuen.

Denek jakin dezaten, Planaemendu Araudiaren 128. Atalarekin bat etorritik, erabaki horri dagokion iragarkia hila-beteko epean jendeaurrerratzten da, Autonomia-Erkidegoko Egunkari Ofizialean, Bizkaiko Egunkari Ofizialean, Udaletxeko iragarki oholean eta lurralde historikoko gehien hedaturiko hiru egunkarietan, honako iragarki honen azken argitalpenaren hurrengoko egunetik hasita.

Ubide, 1998ko irailak 23.
ALKATEAK.

elkarlean
Euskaltegiak

HABEren dirulaguntzaz antolatua

Matrikula zabalik

Ikasturte hasiera: Urriak 5

I.M. Zabala
Euskaltegia
Gordotz, 22 • Tfno: 422 13 88

YLIBARRI
EYSKALTEGIA
Gardoki, 3 • Tfno: 416 24 72
(frente Iberdrola)

Gabriel Aresti
Euskaltegia
Gran Via, 24 • Tfno: 423 23 12



BILBO ZAHARRA
EUSKALTEGIA

Correo, 8 • Tfno: 94 415 82 92